

B. N. C.
FIRENZE

1148

7





148

7

IN FVNERE

SERENISSIMAE IOANNAE.

AVSTRIACAE,

SERENISSIMI FRANCISCI MEDICIS,

Magni Ducis Etruriae uxoris.

LEONARDI GINII CORIONENSIS

laudatio ad funebrem concionem Senis 1 X. Cal. May.

CIO ID LXXVIII.



SENIS Apud Lucam Bonettum. 1578.



IN FVNERE

SERENISSIMO IN AUSTRIA

AUSTRIAE

SERENISSIMO FRANCISCO PRINCIPALI

ALTISSIMO DEUS PRINCIPALI

AUSTRIAE PRINCIPALI

PRINCIPALI

CID ID LXXVIII



DEPOT V. M. H. C. G. P. 1798

3 - 11

ANTONIO SERVIDIO
SERENISS. FRANCISCI MEDICIS

Magni Errurix Ducis a secretis,
Equitiq; Diui Stephani,
Viro optimo, & nobilissimo,
ac de se optime merito.

LEONARDUS GINIUS CORTONENSIS.



Rationem meam in Serenissimæ Ducis nostræ funere Sepis factio ad te ornatissimè; atq; optime Seruidiu mittere libuit; quæ te admoneat; beneficia, quæ abs te in me; nec pauca, nec leuia profecta sunt, non mihi ex animo excidisse. Tu, & quòd benigne dantis est proprium; & quòd multis quotidie multa dare cōsueuisti; facile forte oblitus es; mihi autem immemori esse non licet; nisi etiam ingratus haberi velim; præsertim quum fratrem tuū Volaterranorum Antistitem maxime Reuerendū beneficiorum in me collatorum sciam testem esse locupletissimum. At gratiam adhuc nullam retuli. Fortunam licet accusare. Volūtatis vero, animiq; mei hoc, qualecunq; sit, testimonium esse velim.

Huc accedit, quod si orationem hanc ad eum
mittere statuissem, qui ex Serenissimæ Ducis no-
stræ morte grauius angeretur; haud scio, an, non
modo ex alijs; sed ne ex omni quidem Sereniss.
Ducis nostri familia deligere alium liquisset, cui Se-
renissimi Ducis damna, & incommoda plus mole-
stia, plus mœroris, plus ægritudinis asferrent.
Quamobrem vel eo saltem nomine non ingrata
tibi omnino eâ fore cōfido. Quod si fiat, vt ab alijs
negocijs libero eam tibi legere aliquando contin-
gat; sic tibi persuadeas, nihil me magis optare,
quàm vt animi tibi mei planius, & apertius osten-
dendi facultas aliqua offeratur. Vale; & quam ab
hominibus gratiam non exigis, pro tot tantisque
beneficijs tuis, quibus plurimos assidue afficis,
atq; auges, Deum Opt. Max. cumulatissime tibi
relaturum confide.

IN FVNERE
SERENISS. IOANNAE AVSTRIACAE,
Serenissimi Francisci Medicis, Magni Ducis
Etruriae vxoris
LEONARDI GINII CORTONENSIS
laudatio ad Funebrem concionem, Senis ix. Cal. Maij.



LNITERE, enitere mæstissi-
ma vox; erumpe aliquando san-
dem. Vosq; lacryma, & sin-
gultus ne quæso, vocis officium
impedite; pariamini, ut quem-
admodum vos immensi, iustissi-
miq; doloris signa datis, sic vocis
iustissimas dolendi causas liceat
explicare. Quamuis enim, qui adsunt, omnes, & lacrymas
videant; & suspiria singulusq; exaudiant; mæroremq; no-
strum contemplantur; eiusq; causas (atq; utinam ignoraret)
cognitas maxime habeant; tamen & rei magnitudo, & com-
munis omnium iactura, & officium nostrum omnino postulat;
ut mærorem, doloreq; nostrum non solum lacrymis, sed luctu,
eiulatu, vcterationibus testificemur. Tu quoq; nunc vere
Dux & Regina, vere nunc Serenissima Ioanna, da, obsecro
te, nobis hanc veniam; ut miseriam nostram, te non penitus
inuita, lugeamus; ac tuarum virtutum memoria lugendo ob-
lectemur. Video miserum hoc nostrum, acerbunq; praconiū
iure tibi esse ingratum; video tibi iniuriam fieri; quam neq;
nunc immortalem lacrymae decent; neq; antea mortalem va-
na laudes delectarunt. Veram illa gloriam Senenses, veram
virtutem, verum omnium servatorem insuebatur; hunc ani-

mo, ac mente complectebatur semper; huic vni praeipue dedita erat, atq; addita; hunc toto amoris ardore concupierat. Quo in praesentia quum fruatur; non sibi inaniter placeat; non fide lateatur; iubilat scilicet, reque vera triumphat; & ad nos conuersa crebro illud Christi seruat oris vsurpat; Si diligereis me, utiq; gauderetis. Vera quidem haec sunt Auditores; non tamen possunt mœrentium nos voce prohibere. Fortioris est animi tantam siccis oculis aspicere iacturam. Non enim vnâ aliquam mulierculam, sed Ioannam Austriacam Serenissimam Tusciae Ducem amissimus; non solum nobilissimam, sed omnium, quae sunt, aut fuerunt, lectissimam, prudentissimam, religiosissimam. Disset hanc Danubius, ac in ea deflenda & Caroli patris, & Ferdinandi patris, & Maximiliani fratris Augustissimorum Imperatorum renouat memoriâ. Maiorem facit eius luctum, lacrymisq; suis adaugee Rodulfus nepos Imperator semper Augustus. Deplorat hanc Arnus; qui post Serenissimi Cosmi obitum diu lugens, ac mœrens, quum Serenissimi Philippi ortu maximam mœstitia partem abiectisset; nunc acerbissimo hoc funere cogitur in squallore, ac lacrymis iterum tacere. Quantus sit Arbia luctus non necesse est commemorare; omnes enim eius luctum praesentes videmus; efflentes, ac sordidati adiuuamus, & vel eò acerbiozem esse sentimus, quod raro admodum, ac breui iucundissimo Serenissimae Ducis suae aspectu frui misera licuit. Quot eam lacrymis pauperes prosequuntur, eius ope, atq; auxilio priuati? Sacrae Virgines quanti opere angui, & cruciari necesse est? quibus tantum praesidium misero funestoq; fato ereptum est? Sacerdotes, & sacra templa quam maxime huius benignitatem, pietatem, sanctitatemq; desiderant; funesto ornatu, lugubriq; voce

voce declarant. Matrone, nobilesq. mulieres non dolebunt?
 non egre ferent? probitatis, honestatis, castitatis speculum
 tam densa, atraq. caligine obscuratū? in quod inuenientes opti-
 mis, sanctissimisq. moribus seq. ipsas, filiasq. suas informa-
 bant? Atqui non solum ad priuatos; sed nulla est natio, ad
 quam summus huius morte mæror non venerit. Luger Callia;
 mæret Hispania; Cermania cruciatur; angitur Italia; Tu-
 scia omnis senio confecta est; seq. vere infelicem appellat; quæ
 huius interitu multo maxima splendoris sui parte, & altero
 quasi lumine est orbata. Squallens vrbes; oppida afflicta-
 tur; agri deniq. ipsi ex tam mansuetæ, tam benefica, tam sa-
 lutaris, tam sanctæ Ducis desiderio non sine lacrymis & fletu
 laborant. Verum in tanto omnium squallore, & eiulatu,
 quātum Sceniss. Dux, quantum mæstiss. Francisce, quan-
 tum esse dolorem, mærorem, angorem tuum credi par est?
 Maximum certe est animi tui robur; sed haud scio, an præ-
 iactura magnitudine doloris magnitudini possit obistere.
 Amisisti coniugem nobilissimam, honestissimam, obsequen-
 tissimam; cuiq., quod tu omnium maxime intelligis, aman-
 tissimā; ut vix ullus consolationi relictus locus videatur. Quæ
 tamen omnia, quum & tuum, & communem omnium dolo-
 rem videantur augere; diligentius animaduersa, non medio-
 crem & tibi, & alijs afferre consolationem possunt. Tanto
 enim, ac penè mortifero vulnere accepto; in tanta tua, & com-
 muni Tuscorum omnium calamitate, præter insitam animo
 tuo virtutem, illud lacrymas, luctumq. sedare maxima ex
 parte potest; quod non est dubitandum, eò ipsam peruenisse;
 quò mentem, animumq. omnem intenderat; quò viam sibi af-
 fidue muniebat. Equidem videre mihi illam videor, summa
 illa,

illa, & perpetua felicitate, quam semper ad amavit, fruente; suspirijs, singulitibusq. iuis aliquid commotam, huiusmodi te verbis alloquentē. Quid est charissime, atq. amantissime coniux, quod tantopere afflictaris? me ne luges? quæ ex obscurissimis istis tenebris educta luce fruor clarissima, & sempiterna? An solitudinem, sortemq. suam deploras? Atqui habes, matrimonij fructus; habes filium; habes heredem; habes successorem. Depone, quaeso, mœrorem, & luctum; sic tandem aliquis lugubrium lamentationū, lacrymarūq. finis. Acquiesce, obsecro te, Dei Opt. Max. voluntati, ac senectæ; & quæ in me fuere mortalia, ne pluri facias, quàm me ipsam fecisse cognoveris. Et verè Senenses mortalia omnia Dux nostræ Augustissima neglexit. Respicite eius actiones; in eius vitâ, moresq. inquirete. In summa fortuna summa humilitas; in summis opibus summa lenitas; in summis diuitijs summa frugalitas apparebit. Ex altera parte in summa frugalitate summa sumptus; in summo sumptu summa charitas; in summa charitate summa religio elucebit. Nihil deniq. in ea non religiosū, nihil nō sanctum, nihil non quavis muliebri virtute reperietur illustre. Nouerat ipsa sese nobilissima mulier; non ignorabat, quibus esset parentibus, quibus maioribus, quàm illustri genere orta. Veruntamen (quod pleræq. omnes huiusmodi mulieres facere solent) nunquàm se extulit; nullum unquàm fastus, aut superbiæ signum dedit; tota humilis, tota miris, & mansueta. Quæ quum se & Caroli neprem, & Ferdinandi filiam esse sciret; & Duci nostro Sereniss. Francisco Medici ex amplissimo genere in amplissimâ familiâ nupsisset; nunquàm maiores suos Reges, & Imperatores respexit; nunquàm ad Tusciæ imperium animum aduertit; sed tantum summo se

viro nuptiam existimauit: Atq. ut aqua vino admista vinum appellatur; Sic virum & uxorem vnum quidem corpus; imperiua tamen, & auctoritatem viri propriam esse censuit. Itaq. omni quasi imperio, & potestate sponte abdicans; rei domesticæ, ac potissimum religioni se se dicauit. Hic laudabitur fortasse ab aliquibus virago aliqua, vel vorago potius; quales non paucas fuisse notum est; quæ non contenta connubij se esse participes; & priuatarum curarum, negotiorumq. consortes; publicarum quoq. rerum consilijs interesse; & pacis ac belli negocia tractare voluerunt; quasi omne sibi imperium, potestatemq. non solum in subiectos, sed in viros etiam suos sibi assumpsissent. Valeant istius modi pestes, et portenta; & quouis conuicio, vel supplicio potius, quam laudatione digna. Neq. tamen is sum, qui in claris, nobilibusq. mulieribus animi præstantiâ, magnitudineng. vituperem; sed eius usum, nisi necessitas postulet, in eis non desidero. Laudent alij Callipateram; quæ virilis habitus, & vestitus, magistrum se exercitationis simulans, filium ad Olympiæ certamina contra Eliensium legem deducere ausa est. Admirantur Cyniscam Archidami filiam, quæ prima equos aluisse, prima in Olympicis palmarum tulisse dicitur. Vana hæc sapientibus videntur; & stultæ temeritatis potius, quam magnitudinis animi indicia. Maximo in honore sint Semiramis, Elissa, Nania, Zanobia, aliæq. similes; hæc iustis & maximis effertur laudibus; quæ prouincias, & regna post virorum obitum aut viriliter, recteq. adiuuantes auxerunt; aut virtute sua sibi noua pepererunt. Hic animi cognoscitur altitudo; hoc est Fortune obfistere; hoc animi robur, virtuteng. ostendere. Neq. vero, etiâ temporibus nostris defuerunt, quæ in prouincijs administrandis pari virtute se gesserint; quas quum laudare plurimas possem; vna erimus in præsentia contenti; quæ omnium nobis in futurum sit. Respiciamus,

quæso Mariam Austriacâ Sereniss. Reginam, nostrâ huius,
 quam miserabiliter deflemus, amicam. Hæc quàm prudenter,
 quàm iuste, quanta auctoritate, maiestate, animi magnitudine
 Flandriam gubernauerit, ut nihil aliud dicamus, præsentia tē
 pora declarant. At nostrâ hæc, quânuis, eodem semine procrea
 ta, non minori esset animi robore, & virtute; virum tamen pru
 dentem nacta; nihil, quod virum deceret, viuo illo & præsentē
 sibi cōtendendum esse censuit. Ut enim luna exorto, ac fulgente
 sole vix apparet; sic viuo, ac præsentē viro ab omnibus grauiori
 bus negocijs debet vxor abstinere; liberanq. illi facultatem om
 nē, atq. imperiū relinquere. Voluisset quidem Sereniss. Fran
 ciscus, non solum quod eam maximē diligeret; sed etiam quod
 summam in ea prudentiam videret; quemadmodum connubijs,
 sic plurimorum negociorū habere consortem. Illa vero, quum &
 & illius sapientiam, & vxoris optimæ, ac prudentissimæ quod
 esset munus intelligeret; ut sui ipsius imperiū, sic grauiorum ne
 gociorum libenti animo curam viro concessit. Facinus animo re
 gio, regnisq. assuetū vere dignum. Adhortabatur ipsam natura
 vnicuiq. innata imperandi cupiditas, ut se publicis negocijs ad
 misceret. Regno frueretur regia mulier, Regnis nata, & omnium ma
 xime ad regnandum apta. Pulchra res est, utilis, atq. honesta.
 Atqui ad hæc non sine stomacho mulier fortissima. Facesse per
 nices animorū, pestisq. scæuisima, Pulchrum certe, atq. hone
 stum est imperare; sed tibi. Quid enim prodesse cuiquàm potest,
 in cæteros omnes tenere imperiū, si tibi tamen seruire cogatur?
 Sic inuictō animo dū quæ mort alibus maxima videntur, tãquã
 caduca, & incerta contemnit; in summa, & certissima inten
 dens, interea volens, ac si priuato alicui, nō Amplissimo Duci
 esset collocata, ad ea, quæ humilia vulgus existimat sese cōuer
 tit. Quunq. nihil tam suū esse videret; nihil tam sibi in vitâ glo
 riosum

riosum putaret, quàm si amantiſſimi coniugis amorẽ, quem in se maximum eſſe nouerat, iuſto obſequio cõſeruaret, vel (ſi quid addi poſſet) etiam augeret; aſidue eius mores, diligenterq. contemplans, nihil æque ſtudebat, quàm vt ſe, vitæq. ſuam ad eius regulã, normanq. inſtitueret; & quæ illi videretur, ſibi quoq. probata eſſe omnino vellet. Hanc enim, ſi quæ eſſe in hac vita felicitas poteſt, ſummã felicitatem reputabat; nempe conſentientem, cõſpirantemq. viri, & vxoris animũ, ac voluntatem. Quin etia, vt optimæ vxoris officio diligentiffime fungeretur; quunq. omnia, quacũq. ageret in hac vita, vehiculum ſibi quoddam ad feliciffimam fore ſtatuiſſet; nullum voluit habere amicum, niſi quem viro ſuo animaduerteret eſſe chariſſimum; quod ei perbel le, & ex ſententia ſucceſſit; nam eum ipſum, quem præcipue à primis vſq. annis adamauerat, à viro ſuo potiſſimum colintelle xit. Quid eſt enim (quum etiam alios charos habeat) quod Sereniſs. Dux magis amet? magis obſeruet? maiori pietate, quàm religionem, & Creatorem omnĩũ, ac ſeruatorem colat? Hunc igitur ex omnibus viri ſui amicis delegit, cui ſtuderet in primis eſſe amica. Itaq. ad priorem animi propenſionem proxima deliberatio tantum attulit momenti, vt multo hunc, quàm virum ipſum (atq. in hoc gratum ſe ei facere videbat) maiori obſeruãtia proſequeretur. Quatinus id ſibi vſu veniebat, quod miſere amantiſſimis accidere conſuevit. Vt enim illi abſentem, tãquàm præſentẽ alloquuntur; abſentis imaginem inueniuntur; verbis, & canilenis ei gratias libentiſſimo animo vtuntur; & non ſolum ipſi canunt ſed alios etiam canentes maxima cum voluptate auſcultant; eius nomen ſi cuiquàm ludibrio eſſe, & cõtumelia cauſa vſurpata audierint, vehemētius indignantur. Loca, in quibus frequenter eſſe conſuevit, crebro viſitant. Eius familiares, etia humilioreſ complectuntur; omniq. ſtudio fouēt, ac tumentur. Sic

Serenissima hæc mulier, Dux, atq. Regina immensi amoris sui signa in dies certiora ostendebat. Quàm sæpe voce, vultu, lacrymatione, oculis aut præ reuerentia in terram defixis, aut præ nimio affectu in eius simulachrum intētis, Amicum hunc suū, & Dominum quasi præsentem alloquebatur? Quante singulibus, quantoq. fletu eius amore indignā se profitebatur? Quanto cum gemitu, et mœrore prostrata quasi ad pedes & veniam, & gratiæ conciliationem postulabat? Nullus erat dies, quin pie, sancteq. diuinis precationibus & ipsa viretur; & alijs videntibus interesset. Hymnos enim, odas, sacraq. carmina in ore habebat assidue. Præterea domi non s.urras, non mimos, non saltatores, nō alias eius generis sordes, sed sacerdotes habebat assiduos; qui ceteris, suisq. horis rem diuinam summa cum cerimonia, & religione facerēt. Maledicta in Deum, & execrationes quàm vehementer oderit, E dicta, quæ ipsa potissimum suadente, in eiusmodi pestes composita sunt; publice q. & magna voce præconis pronunciata, declarant. Porro quàm frequenter Deo dicata templa visitaret, notius est, quàm ut cuiusquàm testimonio sit probandum. Hæc enim a choreis, equestribus ludis, fabulis, talibusq. spectaculis, quibus Regia mulieres ferme omnes capiuntur, toto animo, ac mente abhorrebat. Ac si quādo ut, vel viro, vel affinitatis vinculo coniunctis mulieribus, vel ciuibus et populo gratificaretur, is interfuisset; corpore tantum præsens, animo loca illa perlustrabat, ubi sacra diuinaq. spectacula præberi quotidie solent; quæq. summus ille suus amicus frequenter cōsuevit. Ibi erat libenter; ea ornabat; ibi pietatis, religionis, charitatis certissima indicia constituebat. Quod, præter vrbs Florentiæ sacras aedes, Augustissimum templum ad mare Adriaticum, in quo sua sacratissima Virginis Seruatoris nostri matris cella, ipsaq. sanctissima Virgo religiosissime colitur,

argumentis certissimis confirmat. Eo enim religionis ergo Sere-
nissima Dux nostra profecta, munera attulit, religione, piete-
te, & amplitudine sua, nec non loci ipsius dignitate non indi-
gna. Verum enimvero quum, quoquo te vertas, eius amoris, atq.
observantiae in Deum vestigia cernas; eaq. non leuiter, sed altius
impressa ad memoriam sempiternam; in eo tamen eius maxime
splendor elucet; in eo excellentia, eiusq. altitudo animi prae-
cipue apparet; quod pauperibus, egensq. subleuandis nullam neq.
commodorum, neq. utilitatum suarum vnquam habuit ratio-
nem. O immensam, veranq. animi magnitudinem, ac liberali-
tatem. Aliae huius conditionis, & fortunae mulieres student
pecunias corrogare; haec erogat. Aliae luxum quaerunt; haec fru-
galitatem. Aliae vestes preciosissimas parare student; haec mū-
dum, ac simplicem querit ornatum. Aliae immensa, conuiujsq.
lautius splendidiusq. apparandis sumptus faciunt; haec parcius
viuit, ut largius dispense. Aliae mimos, & scurras alunt; haec
sacerdotes. Aliae ridiculos, & ioculares homines habent in de-
lectijs; haec pauperes. Aliae ludendo plurimum temporis consu-
munt; haec dei nostriisq. magnam partem sacris, & mathema-
ticorum scriptis euoluendis, at multo maiorem Deo supplicans
traducit. Quinimo tam auerso a ludis animo fuit, ut quum pro-
hiberi omnino posse non videret; illud saltem curauerit edicen-
dum, ne publice luderetur. Deniq. seruat o dignitatis, amplitu-
dinisq. suae decoro nihil non egit contra fastum, luxum, super-
biam, nihil non contra Regiarum mulierum deprauatam con-
suetudinem, atq. naturam; suoq. exemplo illas docuit, quae in
eiusmodi gradu collocatae sunt, maiorem suorum, & praecipue
pauperum, quam sui ipsius habendam esse rationem. Quauis
enim in Regia maiestate constituta pluribus indigere videantur;
non tamen debent superuacaneis, minimeq. vtilibus delectari.

Uidetis Senenses quid, quātūq. in muliere hac praeſtatiſſima.
 Duceq. noſtra, ac Regina Sereniſſima amiſerimus. Uidetis exi-
 mia eius, excellentesq. virtutes, licet minima ex parte adum-
 brata, quales, quantaq. ſint. Quas omnes (generis nobilitatē,
 maiorum geſta, externaq. omnia, quae vel nihil, vel parum o-
 mino ad eam pertinent, conſuleo omittā) ſi, non dicam ampli-
 ficare dicendo, ſed percenſere numerando velim; ante diei finis
 erit, quā orationis finem inuenire poſſim. Itaq. nihil dicam im-
 praſenti quant a fueris, quanq. diligēs eius cura in filijs, licet in-
 fantibus adhuc alēdis; ancilliq. ſuis liberaliter, honeſte, vereq.
 Chriſtiane (liceat, dum de muliere maxime Chriſtiana loquor,
 hoc verbo uti) vere, inquam Chriſtiane inſtituendis. Haſ enim;
 & ſororum, & filiarum potius; quā ancillarum loco habuit
 ſemper; neq. ex praua, & inueterata conſuetudine, in ſaltatio-
 nibus, in ludis, in cancionibus habuit occupatas; ſed pijs, diui-
 niſq. precibus, & aſſidujs laboribus exercebat. Filios autem
 vinam, quemadmodum in hac aetate non plus lacte, quā opti-
 mis verbis, ac monitis inſuendos curabat; ſic diuinijs, & q. potis-
 ſimum Sereniſs. Princeps erudire, ac ſua per veſtigia ducere li-
 cuiſſet. Sed quando ſineſtum fatum, & mors prohibuit impor-
 tuna Sereniſſimi patris tui iuſtitiam, prudentiam, religionem,
 atq. in omni genere virtutem imitabere, eumq. in tanto luctu
 non leui cōſolatione interea permulcebis. Neq. enim poteſt iucū-
 diſſimus filij aſpectus patris animum, licet mœrore affectum nō
 magna ſuauiſſitate perfundere. Quauis ille ipſe, qui mœrorem
 lemet, aſpectus, chariſſima vxoris deſiderium, memoriamq. re-
 nouabit. Etenim dum te ipſum aſpiciet; materni corporis et ani-
 mi imaginem videbitur intueri; atq. in ſex. Id. Aprilis memo-
 riam redibis. Quo illa die, quum ad Amicum, Dominum,
 Deumq. ſuum feſtinaret; mœrentem virum conſpicata, huius-
 modi

modi ipsum oratione dicitur alloquuta. Semper enim eodem fuit animo forti, atq. infracto; Itaq. non lacrymis, & fleu, quasi huius vitæ disidiu ferre non posset, sed hilari letoq. vultu, atq. animo etiam alacriori; Quæ mihi, inquit, acciderunt charissime coniux, sic, vt Deo visum est, facta sunt; neq. nos quæ ab eo fiunt, aut gravia existimare; aut grauius ferre debemus. Etenim a summo bono nihil fieri non bonum potest. Libens ex hac vitæ, quasi è carcere liberata decedo; neq. tu grauius angi debes, quàm me videas commoueri. Unum hoc quod te oro extremu, est; vt quæ mihi dum viuerem charissima esse intellexisti; benigne foueas, & complectaris. Non loquor de communibus libris, quos vt tuos, & ex te genitos patrio amore, & charitate prosequaris necesse est; pauperes dico, pupillos, viduas, sacras virgines, sacros sacerdotes, sacra templa, sacram religionem. Scio hæc tibi cordi esse; cogor tamen quæ vehementer amavi, vehementius etiam commendare. Memento hominibus te imperare; quoru quidem errare, Dei vero, cuius tu nutu imperas; quenq., quantum homini ni licet, imitari debes, parcere est proprium. Sis igitur Iustitia (quod facis) semper admista clementia. Commodis bonisq. vitæ, quæ tibi omnia à Deo data sunt, sic fruaris, tanquàm Deo ipsi accepta relaturus. Vale charissime coniux, & quoties communes liberos aspexeris, recordare, nihil mihi post Deum immortalē te vno, atq. ipsis gratius in vitæ fuisse, aut iucundius. Sic igitur Senenses nobilissima mulier, & omnium, quas aut vidimus, aut audimus, aut legimus, honestissima, castissima, prudentissima; hoc, inquam, castitatis, ac pudicitie speculum; hoc comitatus, atq. humanitatis exemplum; hoc religionis, ac pietatis simulachrum; hoc pauperum, atq. egentium perfuzium certissimum; hæc virtutum omnium species, & absolutissima imago, sic vitæ functa est; vt nemini

vider;

videri possit, quod de sacra illa et sanctissima Virgine Pratenſi, cuius sanctitas non modo noſtrorum linguis, ſed ſummorum quoq. virorum ſcriptis celebratur, certiſſimis nuncijs vulgatum eſt. Ea enim rogata, vt pro Sereniſſimæ Ducis ſalute vota faceret; renunciante, inquit, iam ſibi in cælo coronam parari. Ad te igitur orationem meam conuerto, quæ nunc vere felix, & beata, dum amicum tuum iam præſentem intueris; vere, perfecteq. intelligis; te, quæ homines admirantur, iure contempſiſſe, quæq. in Cælo cum reliquis diuis æuo iam fruëris ſempiterno; Teq. ſupplex oro, atq. obſecro; vt ex iſtis locis, ubi cum ſumma tranquillitate, & ocio perpetua eſt felicitas, vitam noſtram fluctuantem, miſeram, & g. Innumeris calamitatibus erumniſq. oppreſſam reſpicias; & quemadmodum apud nos degens ſemper es miſerias noſtras miſerata; ſic nunc amicum tuum Deum, ac Seruatorem omnium Chriſtum leſum preceris, atq. implores; vt rectam nobis mentē det; miſericordiam tribuat; & proſtremo, quam tibi impartitus eſt, gratiam ſuam, gloriamq. impertiat.

F I N I S.

Fr. Pomponius Trunchonus Senenſis in dominio Senarum Vice Inquiſ. licentiam concedit, vt hæc oratio imprimi poſſit.

2

Hæc 1468. 2

B.

1148.7





